



**OBAVIJEST O ODRŽAVANJU STUDENTSKIH BESPLATNIH PRAVNIH KLINIKA U OKVIRU  
PROJEKTA:  
*„Značaj prava intelektualnog vlasništva u poticanju inovativnosti i kreativnosti na  
Univerzitetu u Sarajevu“ (IVIK UNSA)***

Poštovani/e,

Intelektualne kreacije i znanje, odnosno autorska djela i inovacije koje nastaju u okviru univerziteta i javnih istraživačkih ustanova predstavljaju osnov za društveni i ekonomski napredak svake države. Intelektualne kreacije koje nastaju na univerzitetima nisu samo rezultat rada naučno-istraživačkog, umjetničko-istraživačkog osoblja, već često nastaju i kroz kreativni rad studenata\_ica koji pohađaju univerzitate.

Usvajanjem „Pravilnika o upravljanju intelektualnim vlasništvom Univerziteta u Sarajevu“ 2022. godine (dalje: „Pravilnik UNSA“), Univerzitet u Sarajevu (dalje: „UNSA“) prepoznao je značaj zaštite i komercijalizacije prava intelektualnog vlasništva, a upravo lica koja su obuhvaćena Pravilnikom UNSA, odnosno lica na koje se primjenjuje ovaj pravni akt, jesu između ostalog i svi studenti\_ce UNSA.

Kočnicu u sistemu društvenog i ekonomskog razvoja, kroz kreiranje intelektualnih dobara, može predstavljati niz faktora (npr. niskog nivoa svijesti o značaju zaštite intelektualnih dobara). U cilju otklanjanja tih faktora na Univerzitetu u Sarajevu – Pravnom fakultetu, a uz saradnju i podršku Centra za istraživanje i razvoj UNSA se od 01.09.2023. godine do 01.05.2024. godine realizira naučno-istraživački i istraživačko-razvojni Projekat pod nazivom: „Značaj prava intelektualnog vlasništva u poticanju inovativnosti i kreativnosti na Univerzitetu u Sarajevu“ (IVIK UNSA) koji sufinansira Ministarstvo za nauku, visoko obrazovanje i mlade Kantona Sarajevo.

Jedna od Projektnih aktivnosti predviđena za studente\_ice UNSA jeste organizacija besplatnih pravnih klinika.

Pravna klinika je platforma za pružanje besplatne pravne pomoći. U konkretnom slučaju, ova besplatna pravna pomoć bi bila iz oblasti prava intelektualnog vlasništva, a namijenjena je studentima\_cama UNSA. Besplatnu pravnu pomoć pružat će studentice postdiplomskog studija Pravnog fakulteta.

Ovaj „peer to peer“ pristup čini pravnu kliniku pristupačnijom i otvorenijom za studente\_ice, dok pri tome ekspertiza iz oblasti prava intelektualnog vlasništva nije umanjena, jer će pravne klinike realizirati diplomirane i zaposlene pravnice.

Organiziranjem studentskih pravnih klinika cilj je da se studenti\_ice UNSA međusobno povežu, a sve kroz mogućnost davanja besplatne pravne podrške u pogledu zaštite intelektualnih dobara koje oni\_e stvore tokom svih ciklusa studija na UNSA. Naredni cilj klinika jeste upoznavanje studenata\_ica da su i oni obuhvaćeni adresati Pravilnika UNSA, te njihovih prava i obaveza u tom pogledu.

U okviru ove projektne aktivnosti bit će realizirane dvije pravne klinike: 1) „Pravna klinika iz autorskog i srodnih prava“; 2) „Pravna klinika iz prava industrijskog vlasništva“.

**1) „Pravna klinika iz autorskog i srodnih prava“**

- **Datum i vrijeme:** 28.03.2024. godine u periodu od 11h do 15h.
- **Mjesto:** Univerzitetu u Sarajevu – Pravni fakultet.

**2) „Pravna klinika iz prava industrijskog vlasništva“**

- **Datum i vrijeme:** 29.03.2024. godine u periodu od 9h do 13h.
- **Mjesto:** Univerzitet u Sarajevu – Centar za interdisciplinarne studije „prof. dr. Zdravko Grebo“.

S poštovanjem,

za Projektni tim UNSA - Pravnog fakultet  
Prof. dr. iur. Iza Razija Mešević

za Centar za istraživanje i razvoj UNSA  
Prof. dr. sc. Maja Arslanagić-Kalajdžić